

TESTULIBURUAK DOAN JASOTZEKO PROGRAMA

2015-2016 IKASTURTERAKO JARRAIBIDEAK

0.- SARRERA

Testuliburuak doan jasotzeko programan sartuta daude Nafarroako Foru Komunitatean diru publikoarekin ari diren ikastetxeetan Lehen Hezkuntzako eta Derrigorrezko Bigarren Hezkuntzako ikasketak egiten dituzten ikasle guztiak.

Oinarrizko irakaskuntzarako testuliburua finantzatzeari buruzko martxoaren 25eko 6/2008 Foru Legearen arabera (abenduaeren 30eko 256. NAO on argitaratutako 19/2011 Foru Legeak aldatu zuen), oinarrizko irakaskuntzetako ikasleek bost ikasturtez erabiltzeko modukoak izan beharko dira liburuak.

Jarraibide hauek bi eduki motatan egituratzen dira: batetik orokorrak, ikastetxe guztietarako komunak, edozein izanik ere aukeratutako kudeaketa-sistema, eta bestetik, kudeaketa-sistema bakoitzerako zehatzagoak.

Ikastetxe publiko zein itunduek EDUCA erabiliko dute datu guztiak sartzeko.

- Helbide elektronikoa: Hezkuntza Departamentuaren eta ikastetxe publikoen eta itunduen arteko komunikazioetarako erabiliko da:

gratuidad.libros.texto@navarra.es

1.- IKASLE HARTZAILEAK

1.1- 2015-2016 ikasturtean hartzaileak izanen dira diru publikoarekin ari diren Nafarroako Foru Komunitateko ikastetxeetan matrikulatutako ondoko ikasleak:

- Lehen Hezkuntzako lehen eta bigarren ikasmailetan matrikulatutako ikasleak (sortak ikasturte bakoitzean berritzen dira).

Lehen Hezkuntzako lehen zikloan ikasleek bakarka erabiltzen dituzten testuliburuek edo curriculum materialek ezaugarri jakinak dituzte eta, hartara, Doakotasun Programan modu berezitan tratatu behar dira. Irailaren 27ko 61/2010 Foru Dekretuko 2.2. artikulua aurrez ikusten du ziklo honetan ez dela testuliburuaren iraunkortasunaren baldintza eskatuko eta haiek ikasturte guztietan erosi beharko direla. Hori hala izanik ere, erabilitako materialagatik haiek berritzea nahitaezkoa ez den irakasgaietan, ikastetxeak erabaki dezake haiek berrerabiltzea hurrengo ikasturteetan Lehen Hezkuntzako gainerako ikasmailetan bezala.

- Lehen Hezkuntzako 3. eta 4. ikasmailetan eta DBHko 4.ean matrikulaturiko ikasleak.

- 2013-2014 edo 2014-2015 ikasturteetan berri zuten ikastetxeak: gehieneko ordezte kopurua %0,5ekoa izanen da. Ordezte eskaerak 61/2010 Foru Dekretuak ezarritakoa bete beharko du eta ez da aukerarik izanen testuliburuak doakotasun programaren kargura berritzeko.

- 2013-2014 eta 2014-2015 ikasturteetan ordeztu zuten ikastetxeek ondokoa **hautatu ahal** izanen dute:

- Testuliburuak bere osotasunean berritzea
- Berritze partziala (bi ikasturtetan)
- Ordeztea. Kasu horretan, gehieneko ordezte ehunekoa %25a izanen da.

Itxiera jarraibideetan adierazi zen moduan, posta elektronikoa bidaliko da gratuidad.libros.texto@navarra.es helbidera, ikasmaila hauetarako zein aukera hautatu den adieraziz (berrerabiltzea edo liburu berriak osoki edo partzialki aukeratzea), **2015eko maiatzaren 30a** baino lehen.

- Lehen Hezkuntzako 5. eta 6. ikasmailetan eta DBHko 1.ean matrikulaturiko ikasleak.

- 2014-2015 ikasturtean berritu zuten ikastetxeak: gehieneko ordezte kopurua %0,5ekoa izanen da. Ordezte eskaerak 61/2010 Foru Dekretuak ezarritakoa bete beharko du eta ez da aukerarik izanen testuliburuak doakotasun programaren kargura berritzeko.

- 2014-15 ikasturtean ordeztu zuten ikastetxeek ondokoa hautatu ahal izanen dute:

- Testuliburuak bere osotasunean berritzea
- Berritze partziala (bi ikasturtetan)
- Ordeztea. Kasu horretan, gehieneko ordezte ehunekoa %25a izanen da.

Itxiera jarraibideetan adierazi zen moduan, posta elektronikoa bidaliko da gratuidad.libros.texto@navarra.es helbidera, ikasmaila hauetarako zein aukera hautatu den adieraziz (berrerabiltzea edo liburu berriak osoki edo partzialki aukeratzea), **2015eko maiatzaren 30a baino lehen**.

- DBHko 2.ean eta 3.ean matrikulaturiko ikasleak.

61/2010 Foru Dekretuarekin bat, testuliburuak berritzea edo ordeztea **hauta dezakete**. Kasu honetan, ordezteko gehieneko kopurua %25ekoa izanen da.

Liburuak berritu daitezke osoki edo partzialki (bi ikasturtetan).

Itxiera jarraibideetan adierazi zen moduan, posta elektronikoa bidaliko da gratuidad.libros.texto@navarra.es helbidera, ikasmaila hauetarako zein aukera hautatu den adieraziz (berrerabiltzea edo liburu berriak aukeratzea), **2015eko maiatzaren 30a baino lehen**.

- Hezkuntza premia bereziak dituzten ikasleak, hots, halakotzat diagnostikatu direnak, edozein izanik ere zein ikasmaila nahitaezkotan dauden matrikulaturik. Ikasle hauei dagokien hirugarren jarraibidean zehaztutakoari jarraituko zaio.

1.2.- Legezko ordezkariak uko egitea: programari uko egitea erabakitzen denean, legezko ordezkariak, edozein izanik ere ikaslea zein ikasmailatan dagoen matrikulaturik,

"Uko egiteko agiria" bete eta ikastetxean utzi beharko dute horretarako adieraziko zaien epean.

Uko egiteko agiri hori legezko ordezkarien eskura izanen da ikastetxean eta webgunean.

1.3.- Departamentuari jakinaraztea: EDUCA aplikaziotik hartuko da matrikulari eta aukeratutako testuliburuari edo materialari buruzko informazioa. Horretarako, ikastetxeek datuak 2015eko uztailaren 25a baino lehenago bete beharko dituzte.

1.4.- Emate- eta itzulketa-agiriak: testuliburuarekin batera, ikastetxeek, edozein izanik ere zein ikasmailatan dauden matrikulaturik, ikasleen legezko ordezkariari "Emate-agiri" bat ematen ahal diete (agiri horretan emandako liburuen zerrenda agertuko da). Legezko ordezkariak sinatu ondoren, ikastetxean utziko dute.

Ikasturtea bukatutakoan, ikastetxeak hala eskatzen duten ikasleen legezko ordezkariari "Itzulketa-agiria" emanen diete, sinatua. Egiak itzultitako liburuak agertuko dira agiri horretan.

Bi agiriak EDUCA aplikazioak sortuko ditu.

2.- LOMCE-REN ETA DOAKOTASUN PROGRAMAREN ARTEKO DESFASEAREN ERAGINA TXIKIAGOTZEKO ASMOZ APLIKATU BEHAR DIREN BERRITASUNAK

2.1.- Norberak sorturiko materiala, LOMCEra egokitua

Lehen Hezkuntzako 3., 4., 5. eta 6.ean eta DBHko 1. eta 3.ean, 2015-16 ikasturterako bost urte baino gehiagoko liburuak dituzten ikastetxeetan, testuliburuak material propioa erabiliz LOMCEra egokitu ahal izan ditzaten, %5eko ehunekoa onartuko da (betiere eskaera ez bada joan den ikasturtean egin). Gehienezko ordeztearen %25eko ehunekoari gehituko zaio eta beraz, %30ekoa izanen da gehienezko ordeztearen ehunekoa. Ikusirik liburuen egoera zein den eta LOMCEra egokitu beharra dagoela, ikastetxeak justifikatu eta Departamentuak baimendu ondotik, ordezteko onetsitako diru-kopuruaren zati bat materiala LOMCEra egokitzeko bideratu daiteke.

2.2- Berritze partziala

Aurreko ikasturtean bezala, berritzeko aukera dagoen ikasmailetan (Lehen Hezkuntzako 3. eta 4.a eta DBHko 4.a, 2013-14an eta 2014-15ean berritu ez zutenak; Lehen Hezkuntzako 5. eta 6.a eta DBHko 1.a, 2014-15ean berritu ez zutenak eta DBHko 2.a eta 3.a) ikastetxeak aukeratu ahal izanen du berritze partziala, hots, testuliburu berritzea bi urtetan egitea eta ez urte bakar batean. Horrela, ikastetxe batek ikasturte honetan berritze partzial bat egin dezake, bere ustez LOMCeren aplikazioaren ondorioz aldaketarik jasoko ez duten irakasgaietan (egin kontu doakotasun programaren baitan ez dela liburu horietarako finantzaziorik izanen 5 urtetan) eta 2016-2017 ikasturtean, gainerako testuliburuak berritu.

Ikasturte honetan berrituriko liburuei dagokien zenbatekoa ordainduko da, hots, berrituriko liburu kopuruaren araberako moduluaren alde proportzionala. Ondoko ikasturtean gainerako liburuei dagokien zenbatekoa ordainduko da, 2015-2016 ikasturterako onetsitako moduluaren topea erdietsi arte.

Aukera honetan, lehen urtean, berritu ez diren liburuen %8ko ordezte onartuko da.

3.- DOAKOTASUN PROGRAMA KUDEATZEKO SISTEMA

Ondoko ikastetxeek:

- Lehen Hezkuntzako 1. eta 2.eko ikasleak dituztenek

- Lehen Hezkuntzako 3., 4., 5. eta 6.eko eta DBHko 1., 2. 3. eta 4.eko

ikasleak dituztenek, liburu berriak hartzea hautatu badute.

Programa kudeatzeko bi modalitate hauetatik bat aukeratu beharko dute:

- Ikastetxeak luzatutako bonua.

- Ikastetxeak berak aukeratutako kudeaketa.

Ondoko ikastetxeek:

- Lehen Hezkuntzako 3., 4., 5. eta 6.eko eta DBHko 1., 2., 3. eta 4.eko

ikasleak dituztenek, ordezte erabaki badute, ondokoa hautatuko dute:

- Ikastetxeak berak aukeratutako kudeaketa.

Aukeratutako kudeaketa sistemaren gaineko informazioa klaseak bukatu baino lehenago emanen zaie ikasleen legezko ordezkariari, webgunean eskuragarri izanen den informazio gutun baten bitartez.

Hezkuntza Departamentuari jakinaraztea: informazio hau EDUCA aplikaziotik hartuko da. Horretarako, ikastetxeek datuak 2015eko uztailaren 25a baino lehenago bete beharko dituzte.

4.- HEZKUNTZA PREMIA BEREZIAK DITUZTEN IKASLEEN GAINEKO ZEHAZTAPENAK

- Ikasleak: hezkuntza premia bereziak (HPB) dituzten ikasleen egoerak askotarikoak dira eta Doakotasun Programak haiei guztiei eman behar die erantzuna. Hori hala izanik, halako diagnostikoa izan eta material egokitua erabiltzen duten ikasle hauendako ikasleko dotazio bat ezarri da 2015-2016 ikasturterako, ikasle horiek nahitaezko irakaskuntzako zeinahi ikasmaitan matrikulaturik daudela ere.

Beren ikaskideen material bera erabiltzen duten HPBetako ikasleek haien tratamendu bera izanen dute Doakotasun Programaren ondorioetarako.

Lehen Hezkuntzako 1. eta 2. ikasmaitetan matrikulatutako HPBak dituzten ikasleek beren ikaskideen tratamendu bera izanen dute Doakotasun Programaren ondorioetarako, edozein izanik ere erabiltzen duten materiala.

- Departamentuari jakinaraztea: ikastetxe publikoen zein itunduen kasuan, EDUCA aplikaziotik hartuko da informazioa. Horretarako, ikastetxeek datuak 2015eko uztailaren 25a baino lehenago bete beharko dituzte.

- Erostea: material hau ikastetxeak berak erosiko du eta behar denean ikasleen eskura utziko.

5.- ERABILERA OROKORREKO CURRICULUM MATERIALAK ETA/EDO IKASTETXEAK BERAK PRESTATUTAKOAK

- Kontzeptuak: Testuliburuen Doakotasun Programaren ondorioetarako, erabilera orokorreko curriculumeko materialtzat hartuko dira ikasleek partekaturik eta, hala dagokionean, irakasleek ere erabiltzen dituzten edozein bitarteko edo euskarrirako



materialak, baldin eta testuliburuak ordezkatzeko badituzte. Zikloko edo gelako programazioan, hezkuntza proiektuan eta curriculum proiektuan ezartzen diren helburu pedagogikoak betetzea izan behar da material horien helburua.

Ikastetxeak berak prestatutako curriculum materialtzat hartuko dira irakasleek edo ikastetxeko irakasle taldeek egindakoak, baldin eta zikloko edo gelako programazioan, hezkuntza proiektuan eta curriculum proiektuan ezarritako helburu pedagogikoak beteko badira.

- Departamentuari jakinaraztea: ikastetxe publikoen zein itunduen kasuan EDUCA aplikaziotik hartuko da informazioa. Horretarako, ikastetxeek datuak 2015eko uztailaren 25a baino lehenago bete beharko dituzte.

- Erostea: material hau ikastetxeak berak erosiko du eta behar denean ikasleen eskura utziko.

6.- MATRIKULA IGOERA, AUKERAKO IRAKASGAIK HAUTATZEAREN ETA GAINDITU GABEKO IRAKASGAIEN ONDORIOZKO BEHAR BERRIAK

- Kontzeptua: matrikula igoera dagoela esaten da ikastetxe bateko ikasmila bateko ikastalde guztietako ikasle kopuruan guztira gertatzen bada igoera, ikasturte baten bukaeratik hurrengoaren hasierara.

- Ordainketa: matrikularen igoera ordainduko da Hezkuntza Departamentuak 2015eko uztailaren 25a baino lehenago dituen datuen arabera, eta programan sartu diren ikasleei dagokien ordainketarekin batera.

Baldin eta igoera hori Derrigorrezko Bigarren Hezkuntzako ikasleen irailako azterketak direla-eta gertatzen bada, Administrazioaren ekarpenaren %20arekin batera egingen da ordainketa ikasturte bakoitzeko abenduan.

Ikastetxe publikoetan eta itunduetan, EDUCA aplikaziotik hartuko da matrikularen igoeraren gaineko informazioa. Testuliburuak erosi behar badira, ikasleek aukerako irakasgaiak hautatu dituztelako edo aurreko ikasturteetan gainditu gabeko irakasgaiak dituztelako, horren berri emanen zaio Hezkuntza Departamentuari. Horretarako EDUCAn eskura izanen den "Aukerako irakasgaiak hautatzearen edo gainditu gabeko irakasgaien ondoriozko beharrak" izeneko agiria posta elektronikoz bidaliko da 2015ko azaroaren 15a baino lehenago.

7.- IKASLEEI EGOZTEN AHAL EZ ZAIZKIEN ARRAZOIENGATIK HONDATUTAKO EDO ITZULI GABEKO MATERIALAK BERRIZ EROSTEKO GASTUAK FINANTZATZEA

"2014-2015 ikasturtea ixteko jarraibideetako" C) atalaren arabera ordeztu ahal izan ez diren testuliburuak zuzenean erosiko ditu ikastetxeak eta 2015-2016 ikasturteari dagokion gerakinaren kargu finantzatuko dira, **erabilera orokorreko ikasmateriala eta material informatikoa erosi baino lehenago.**

Baldin eta administrazioak ikastetxe bati egiten dion ekarpena, guztira, ez bada aski aurreko paragrafoan aipatu bezala testuliburuaren ordezteko finantzatzeko, ikastetxeak txosten bat bidaliko du Hezkuntza Departamentura, inguruabar hori kontabilitatearen aldetik justifikatuz, eta defizita finantzatzea eskatuko dio. Nolanahi ere, Administrazioaren ekarpenaren ehuneko ehun ordaindu ondoren eginen da eskaera hori.

Hezkuntza Departamentuak ikastetxeei eska diezaieke hondatutako materiala emateko; horrela, materiala aztertuko du, benetan gertatutakoa egiaztatuko eta, behar izanez gero, liburuak ordezteko aintzat hartu behar diren irizpideak aldatuko ditu.

8.- IKASLEAK IKASTURTEAN ZEHAR IKASTETXEAN SARTZEA

- Sartze berria: ikasturtean zehar ikasle berriak sartzen badira ikastetxean eta, ondorioz, testuliburu berriak erosi behar badira, testuliburu horiek erosteko behar beste diru emanen zaio ikastetxeari.

Ikastetxe publikoetako zein itunduetako informazioa EDUCAtik hartuko da.

- Ikastetxe aldaketa: ikasle bat 2016ko apirilaren 30a baino lehenago ikastetxe batetik bestera joaten bada testuliburuak entregatuko dituela begiratu da eta "Itzulketa-agiria" luzatuko da (ikastetxe itunduek ereduaren webgunean dute eskura eta ikastetxe publikoek EDUCAtik ateratzen ahalko dute). Ikaslearen legezko ordezkariari emanen zaien ziurtagiri horretan destinoko ikastetxeari esanen zaio liburuak eman zaizkiola eta zein den haien kontserbazio egoera.

Destinoko ikastetxeak "Itzulketa-agiria" ematea eskatuko die ikaslearen legezko ordezkariari. Ziurtagiri hori itzulketa zuzeneko bada, destinoko ikastetxeak ikasle horiei

liburuak emanen dizkie, ikastetxeak berak dituenak edo, bestela, ikastetxeak berak erosiko dituen liburu berriak.

9.- DOTAZIO EKONOMIKOA ETA HAREN APLIKAZIOA

a) Laster foru agindu bat onetsiko da eta hartan finkatuko testuliburuaren Doakotasun Programa 2015-2016 ikasturtean finantzatzeko Administrazioak gehienez ere egingen duen ekarpena.

Foru agindu hori onetsi ondoren, horren berri emanen zaie ikastetxeei.

b) Transferentzia: Hezkuntza Departamentuak ikastetxeetako funtzionamendu gastuetarako baimendutako kontuetan sartuko ditu ordaindu beharreko zenbatekoak, testuliburuak doan jasotzeko programa gauzatu ahal izateko. Zenbateko osoaren %80 urte bakoitzeko irailean ordainduko da, Hezkuntza Departamentuak 2015eko uztailaren 25a baino lehenago dituen datuen arabera, eta gainerako %20a, ikasturteko lehen hiruhilekoa bukatu baino lehenago, hala behar denean, bidezkoak diren erregularizazioak egin ondoren.

c) Aplikazioa: Administrazioak ikastetxe bati egiten dion guztizko ekarpenaren eta testuliburuaren balio errealaren guztizkoaren arteko kendura positiboa baldin bada, jarraibide hauen seigarren puntuaren arabera eta ordezte beharrak finantzaturik, gerakina erabilera orokorreko material didaktikoa eta informatikoa erosteko baliatzen ahalko da.

Baldin eta, ikasle bakoitzeko, Administrazioak onetsitako moduluaren eta testuliburuaren sorta bakoitzaren kostuaren arteko kendura negatiboa bada, ikasleen legezko ordezkariak ordainduko dute kendura, eta, hala ere, ikasturte horretan testuliburu erabiltzeko eskubidea besterik ez dute bereganatuko horregatik.

10.- IKASTETXEAK LUZATUTAKO BONUAREN BIDEZKO KUDEAKETA

Kudeaketa sistema hau soilik aukeratu ahal izanen dute ondoko ikasmailetakoko ikasleak dituzten ikastetxeek:

- **Lehen Hezkuntza Lehen Hezkuntzako 3., 4., 5. eta 6.eko eta DBHko 1., 2. 3. eta 4.ekoak, liburu berriak hartzea hautatu badute.**

Gainerako kasuetan, testuliburuak soilik erosiko dira liburuak ordeztu behar direnean edo matrikula igo denean. Bi kasuetan testuliburuak ikasleei emanen dizkiete, zein ikastetxetan dauden matrikulaturik, haiek.

- Bakarka erabiltzeko testuliburuak eta curriculum materialak hautatzea Lehen Hezkuntzako 1. eta 2. ikasmailetako ikasleendako, eta testuliburuak berritzea aukeratu duten Lehen Hezkuntzako 3., 4., 5. eta 6. ikasmailetako eta DBHko 1., 2., 3. eta 4. ikasmailetako ikasleendako.

Hezkuntza Departamentuak informazioa jarriko du ikastetxeen eskura argialetxeek ikasleek bakarka erabiltzeko testuliburuak eta/edo curriculum materialen gainean emandako datuekin. Ikastetxe publikoek zein itunduek informazio hori EDUCA aplikazioan izanen dute eta aukeraketa han zuzenean egiteko aukera izanen dute.

Departamentuak emandako datuak informatiboak dira soilik. Bi kasuetan, zerrendan sartu gabe dauden ikasleek bakarka erabiltzeko testuliburuak eta curriculum materialak aukeratzen ahalko dituzte ikastetxeek. Ondorio horietarako, ikastetxeek Departamentuari adieraziko diote zein diren ikasleek bakarka erabili beharreko testuliburuak eta curriculum materialak eta Departamentuak argialetxeei informazioa eskatu ondoren zerrendan sartuko ditu.

Liburuak aukeratzeko unean, ikastetxeek kontuan izan beharko dute bete egin behar dituztela 37/2010 Foru Agindua eta haren informazio osagarria eta 103/2010, 146/2010 eta irailaren 22ko 88/2014 foru aginduak (EDUCA eta webgunean argitaratuta daudenak) eta, orobat, Nafarroako Gobernuak hezkuntza-etapetako hezkuntza-curriculumen garapenaren gainean oro har onetsitako araudia eta Nafarroako Foru Eraentza Berrezarri eta Hobetzeari buruzko abuztuaren 10eko 13/1982 Lege Organikoa. 2014-2015 ikasturtea bukatu baino lehenago, ikastetxeek ikasleek bakarka erabili beharreko testuliburuak eta curriculum materialen zerrenda aukeratuko dute eta legezko ordezkariari emanen diete, haiek nahi duten establezimenduan erreserba ditzaten.

- Hezkuntza Departamentuari jakinaraztea:

- **Ikastetxe publiko eta itunduak:** 2015eko uztailaren 25a baino lehenago EDUCAko behar den atalean grabatuko dute bakarka erabiltzeko testuliburuak eta curriculum materialen zerrenda, eta hura kontuz berretsiko dute, Lehen Hezkuntzako 1. eta 2. ikasmailetakoko ikasleendako eta, liburu berriak aukeratu badituzte, Lehen Hezkuntzako 3., 4., 5. eta 6. ikasmailetakoko eta DBHko 1., 2., 3. eta 4. ikasmailetakoko ikasleendako.

- Bonua luzatzea:

Ikastetxe publiko eta itunduak: ikasleek bakarka erabiltzeko liburuak eta curriculum materialen zerrenda aukeratu eta EDUCAko behar den atalean grabatuko dute eta hura berretsiko dute. Programan sartutako ikasle guztiei bonua EDUCAren bitartez luzatuko zaie, uko egin diotenei izan ezik.

Ikastetxeek bonuaren balioa egiaztatuko dute jarraibide hauetako 9. puntuan ezarritakoaren arabera.

- Kudeaketa prozedura:

Ikastetxe guztiek ikasle bakoitzeko bonu baten lau ale luzatuko dituzte:

- Ikastetxearendako alea: ikastetxeak beretako hartuko du bonua ikasleari eman zaion frogagiri moduan.
- Ikastetxeak bonuaren gainerako hiru aleak ikasleari emanen dizkio:
 - Ikaslearendako alea: liburuak hartu ondoren, ikastetxeari itzuliko dio liburuak non erosi diren jakin ahal izateko.
 - Bi ale liburu dendarako:
 - Liburu dendak ale bat ikastetxera igorriko du fakturarekin batera.
 - Beste alea liburu dendan geldituko da frogagiri modura.
- Ikaslearen legezko ordezkariak haiek aukeratutako saltoki baimenduetan erosiko dituzte testuliburuak eta bonuaren bi ale entregatu beharko dituzte.
- Saltokiek ikastetxera igorriko dituzte luzatutako fakturak eta bonuaren ale bat.
- Ikastetxeak egiaztatuko du luzatutako bonuak jasotako fakturarekin bat datozeela.

▪ Ikastetxeak testuliburuak ikaslearen izenarekin, ikasmailarekin eta ikastetxearekin identifikatuko ditu, ikasturtea hasi eta lehen hamar egunetan. Ikastetxe publiko eta itunduetarako, EDUCAk itsaskin bat sortuko du.

11. IKASTETXEAK BERAK AUKERATUTAKO KUDEAKETA.

Soilik liburuak ordeztuko diren eta matrikula igoera dagoen mailetan.

Lehen Hezkuntzako 3., 4., 5. eta 6.eko eta DBHko 1., 2. 3. eta 4.eko ikasleak dituztenak, ordeztea hautatu badute.

- Testuliburuak soilik erosiko dira liburuak ordeztu behar direnean edo matrikula igotzen denean eta, hartara, beti sistema honen bitartez egingen da.

- Bakarka erabiltzeko testuliburuak eta curriculum materialak hautatzea aurreko puntuko ikasleendako zein aukera hau hautatu duten Lehen Hezkuntzako 1. eta 2. ikasmaitako ikasleak dituzten ikastetxeendako.

Hezkuntza Departamentuak informazioa jarriko du ikastetxeen eskura argialetxeek ikasleek bakarka erabiltzeko testuliburuak eta/edo curriculum materialen gainean emandako datuekin. Ikastetxe publikoek zein itunduek informazio hori EDUCA aplikazioan izanen dute eta aukeraketa han zuzenean egiteko aukera izanen dute.

Departamentuak emandako datuak informatiboak dira soilik. Bi kasuetan, zerrendan sartu gabe dauden ikasleek bakarka erabiltzeko testuliburuak eta curriculum materialak aukeratzeko ahalko dituzte ikastetxeek. Ondorio horietarako, ikastetxeek Departamentuari adieraziko diote, erosi aurretik, zein diren ikasleek bakarka erabili beharreko testuliburuak eta curriculum materialak eta Departamentuak argialetxeei informazioa eskatu ondoren zerrendan sartuko ditu.

Liburuak aukeratzeko unean, ikastetxeek kontuan izan beharko dute bete egin behar dituztela 37/2010, 103/2010, 146/2010 eta irailaren 22ko 88/2014 foru aginduak (EDUCAn eta webgunean argitaratuta daudenak) eta, orobat, Nafarroako Gobernuak hezkuntza-etapetako hezkuntza-curriculumen garapenaren gainean oro har onetsitako araudia eta

Nafarroako Foru Eraentza Berrezarri eta Hobetzeari buruzko abuztuaren 10eko 13/1982 Lege Organikoa.

- Hezkuntza Departamentuari jakinaraztea:

Ikastetxe publiko eta itunduak: 2015eko uztailaren 25a baino lehenago EDUCAk behar den atalean grabatuko dute Lehen Hezkuntzako 1. eta 2. ikasmailetarako ikasleek bakarka erabiltzeko testuliburuaren eta curriculum materialen eta gainerako ikasmailetarako esleitutako testuliburuaren zerrenda, eta hura kontuz berretsiko dute.

- Kudeaketa prozedura:

Ikastetxeek testuliburuak erosiko dituzte berek ezarritako moduan eta fakturazioaren aldetik gutxienezko baldintza hauek bete beharko dituzte:

- Fakturretan eskatutako betebeharrak formal guztiak jaso beharko dira eta ikastetxearen izenean eginen dira.

- Fakturretan Doakotasun Programan sartutako testuliburuengatik ordaindutakoaren benetako salneurria agertuko da (eta *ez* beste kontzeptuengatik). Kontzeptu hori garrantzitsua izanen da kontuak onesteko ziurtagiriaren amaierako saldoa kalkulatzeko. Nafarroako Gobernuaren ekarpena gainditzen duen zenbatekoa legezko ordezkariak beren gain hartu beharko dute. Beraz, ziurtagiri horretan ezin izanen da saldo negatiborik agertu.

- Fakturak ikastetxeetan aurkeztuko dira urte bakoitzeko urriaren 30a baino lehenago.

Ikastetxeak testuliburuak ikaslearen izenarekin, ikasmailarekin eta ikastetxearekin identifikatuko ditu, ikasturtea hasi eta lehen hamar egunetan. Ikastetxe publiko eta itunduak, EDUCAk itsaskin bat sortuko du horretarako.

12.- IKASTETXE OSATUGABEAK

Ikastetxe osatugabetzat hartuko dira irakasten dituzten etapetako maila bakoitzeko unitate bat gutxienez ez dutenak.

Ikastetxe horien egoera bereziak kontuan hartzeko, testuliburuak, erabilera orokorreko materialak eta/edo ikastetxeak berak prestatzeko materialak erosi behar badira, *ez matrikula igoeragatik sorta osoak eskuratzeko beharra dagoelako (datu hau EDUCAtik hartzen da)* baizik eta ikasle guztiendako edo batzuetarako liburu solteak erosi beharra dagoelako (irakasgai guztietan edo batzuetan maila desberdinetako ikasleak taldekatu behar



Nafarroako Gobernua
Hezkuntza Departamentua

Baliabide Ekonomikoen Zerbitzua
Ikastetxeen, Finantzaketaren
eta Ikasketetarako Laguntzen Atala
Santo Domingo, 1
31001 IRUÑA
Tel.: 848 42 60 75
gratuidad.libros.texto@navarra.es

direnean), Hezkuntza Departamentuari horren berri eman beharko diote, "Erosketa beharrak maila bat baino gehiagoko unitateak dituzten ikastetxeetan" izeneko agiria betez. Agiri hori EDUCAn egonen da eskuragarri ikastetxe publikoendako eta webgunean ikastetxe itunduendako. Aipatutako agiria Hezkuntza Departamentura igorri beharko da posta elektronikoz (gratuidad.libros.texto@navarra.es) 2015eko azaroaren 15a baino lehenago.